



MEMORIA XUSTIFICATIVA DA PROPOSTA DE MODIFICACIÓN DA RELACIÓN DE POSTOS DE TRABALLO DA ACADEMIA GALEGA DE SEGURIDADE PÚBLICA

A vixente estrutura orgánica da Academia Galega de Seguridade Pública (Agasp) foi aprobada polo Decreto 24/2010, do 25 de febreiro (DOG, núm. 49, do 12 de marzo).

O Decreto 235/2012, do 5 de decembro, polo que se fixa a estrutura orgánica da Vicepresidencia e das consellerías da Xunta de Galicia, afondou no camiño xa iniciado en 2009 de redución do gasto burocrático e racionalización da dimensión das súas estruturas administrativas, e suprimiu o cargo directivo existente na AGASP, cuxas funcións pasan a ser asumidas polo director xeral de Emerxencias e Interior, do que pasa a depender o secretario xeral da Academia.

Por outra banda, a Disposición final terceira da lei 14/2013, no seu punto 2 modifica o artigo 11 da Lei 1/2007, do 15 de xaneiro, da Academia Galega de Seguridade Pública, establecendo que *"baixo a dependencia do director xeral da Academia haberá un secretario xeral, que percibirá as retribucións correspondentes a unha subdirección xeral e será nomeado polo Consello Reitor da Academia Galega de Seguridade Pública a proposta do director xeral. Cesará no seu cargo polo mesmo procedemento"*.

A vixente relación de postos de traballo (RPT) da Academia Galega de Seguridade Pública foi aprobada polo acordo do Consello da Xunta de Galicia do 30 de decembro de 2008 polo que se aproba a relación de postos de traballo da Consellería de Presidencia, Administracións Públicas e Xustiza, publicada pola Resolución, do conselleiro de Presidencia, Administracións Públicas e Xustiza, do 31 de decembro de (DOG núm. 8, do 13 de xaneiro de 2009).

Esta RPT, foi modificada polo Acordo do Consello da Xunta de Galicia do 1 de outubro de 2009 polo que se aproba a modificación da relación de postos de traballo da Consellería de Presidencia, Administracións Públicas e Xustiza, debido á integración dos postos de traballo de condutores/as doutras consellerías no Parque Móbil da Xunta de Galicia, publicado pola Resolución da Consellería de Facenda do 2 de outubro de 2009 (DOG, núm. 202, do 15 de outubro), e polo Acordo do Consello da Xunta de Galicia do 17 de decembro de 2009 polo que se aproba a modificación da relación de postos de traballo da Academia Galega de



Seguridade Pública, publicado pola Resolución da Consellería de Facenda do 18 de decembro de 2009 (DOG, núm. 4, do 8 de xaneiro).

A relación de postos de traballo (RPT) é o instrumento técnico a través do que se realiza a ordenación do persoal, de acordo coas necesidades dos servizos, precisando os requisitos para o desempeño de cada posto e comprendendo a denominación, características esenciais deles, requisitos esixidos para o seu desempeño e determinación das retribucións complementarias.

A Lei 7/2007, do 12 de abril, do Estatuto Básico do Empregado Público, establece no seu Artigo 74 “Ordenación dos postos de traballo” que *“as Administracións Públicas estruturarán a súa organización ao través de relacións de postos de traballo ou doutros instrumentos organizativos similares que comprenderán, alomenos, a denominación dos postos, os grupos de clasificación profesional, os corpos ou escalas, e no seu caso, a que estean adscritos, os sistemas de provisión e as retribucións complementarias. Os ditos instrumentos serán públicos.”*

En base a todo o anterior, e tomando como referencia, o artigo 69, da Lei 7/2007, que establece no seu punto 1, que *a planificación dos recursos humanos na Administracións Públicas terá como obxectivo contribuír á consecución da eficacia na prestación dos servizos e da eficiencia na utilización dos recursos económicos dispoñibles mediante a dimensión adecuada dos seus efectivos, a súa mellor distribución, formación, promoción profesional e mobilidade*, realízase esta proposta de modificación.

CAMBIOS DE DENOMINACIÓN DE POSTOS

A entrada en vigor do vixente Decreto 24/2010, do 25 de febreiro, de estrutura orgánica da AGASP, levou consigo un cambio na denominación e funcións dos diferentes servizos, co obxecto de adaptar o nome ás correspondentes funcións de cada un deles.

Así, o Servizo de Administración pasou a chamarse **Servizo Económico-Administrativo** (PR.B01.00.000.36170.020), o Servizo de Formación (PR.B01.00.000.36170.030) pasou a chamarse **Servizo de Formación en Seguridade Pública** e o Servizo de Estudos e Publicacións (PR.B01.00.000.36170.040) pasou a chamarse **Servizo de Formación en Emerxencias**.

CREACIÓN DE NOVOS POSTOS

É necesario adecuar a actual RPT á sentenza xudicial núm. 204 do Xulgado do Social nº 3 de Pontevedra do 11 de maio de 2010, pola que se debe considerar ao recorrente traballador indefinido da Academia con Categoría profesional de Título grado medio-Grupo II (categoría 7). Esta praza xa conta con dotación orzamentaria desde o ano 2011.



POSTO DE SECRETARIO/A XERAL

O Decreto 235/2012, do 5 de decembro, polo que se fixa a estrutura orgánica da Vicepresidencia e das consellerías da Xunta de Galicia suprimiu o cargo directivo existente na AGASP, cuxas funcións pasan a ser asumidas polo director xeral de Emerxencias e Interior do que pasa a depender o secretario xeral da Academia.

Ao desaparecer a figura dun cargo directivo dedicado en exclusiva á Academia Galega de Seguridade Pública, a labor do secretario xeral debe estenderse non só á xestión do persoal e dos recursos financeiros da Academia, senón tamén as funcións de proposta, planificación, xestión e avaliación do plan anual de actividades de formación dirixidas ao persoal do sistema integrado de protección civil e emerxencias de Galicia e ao persoal dos corpos da policía local e policía autonómica, persoal xudicial, penitenciario e de seguridade privada xa encomendadas no citado Decreto 24/2010 do 25 de febreiro, de estrutura orgánica da AGASP.

Por outra banda, a Disposición final terceira da lei 14/2013, no seu punto 2 modifica o artigo 11 da Lei 1/2007, do 15 de xaneiro, da Academia Galega de Seguridade Pública, establecendo que *“baixo a dependencia do director xeral da Academia haberá un secretario xeral, que percibirá as retribucións correspondentes a unha subdirección xeral e será nomeado polo Consello Reitor da Academia Galega de Seguridade Pública a proposta do director xeral. Cesará no seu cargo polo mesmo procedemento”*. De acordo con isto, o dito posto non se inclúe nesta Relación de Postos de Traballo.

En Santiago de Compostela, a 26 de febreiro de 2014

O director xeral de Emerxencias e Interior

Santiago Villanueva Álvarez



XUNTA DE GALICIA

VICEPRESIDENCIA E CONSELLERÍA DE PRESIDENCIA,
ADMINISTRACIÓNS PÚBLICAS E XUSTIZA
Dirección Xeral de Emerxencias e Interior

galicia

